

Headline	Taman Dipterokarpa projek penghutan sumaula 33 spesies balak komersial		
MediaTitle	Utusan Borneo Sarawak		
Date	25 Oct 2018	Color	Full Color
Section	News	Circulation	32,799
Page No	B4	Readership	98,397
Language	Malay	ArticleSize	1175 cm <sup>2</sup>
Journalist	N/A	AdValue	RM 8,759
Frequency	Daily (EM)	PR Value	RM 26,277



## Taman Dipterokarpa projek penghutan semula 33 spesies balak komersial

INSTITUT Penyelidikan Perhutanan Malaysia (FRIM) kelmarin memulakan projek penghutan semula 33 spesies dipterokarpa (balak komersial) yang dikategorikan sebagai terancam dan kritikal sebagai usaha memuliharkannya untuk generasi akan datang.

Ketua Pengarah FRIM Datuk Dr Abd Latif Mohmod berkata, buat permulaan, 330 pokok daripada 33 spesies itu ditanam di kawasan seluas 0.4 hektar di Stesen Penyelidikan FRIM (SPF) Setiu, Bari.



"Ini akan menjadikan SPF Setiu pusat rujukan penyelidikan berkaitan balak komersial terluhng di negara ini pada

masa depan," katanya kepada pemberita.

Antara spesies yang ditanam kelmarin ialah pokok yang juga menjadi nama beberapa tempat yang terdapat di Malaysia seperti pokok cengal, keruing neram, keladan serta meranti batu dan meranti rambai daun.

Aktiviti menanam pokok itu melibatkan lebih 100 peserta terdiri daripada kakitangan FRIM dan wakil komuniti setempat termasuk sekolah, institusi pengajian tinggi, penduduk kampung dan kakitangan jabatan kerajaan negeri.

Mengulas lanjut, beliau berkata Terengganu mempunyai lebih 200 spesies pokok balak, pokok hutan dan pokok herba yang baharu ditemui dan masih belum dinamakan lagi setakat ini.

"Pemilihan projek penghutan semula di SPF Setiu ini adalah sebagai penghargaan FRIM terhadap Terengganu yang mempunyai kekayaan sumber khazanah hutan yang tidak ternilai dan masih belum diterokai sepenuhnya. — Bernama



**SIMBOLIK:** Dr Abd Latif (tengah) menanam pokok Keruing Neram sebagai simbolik perasmian Taman Dipterokarpa di Stesen Penyelidikan FRIM (SPF) Setiu baru-baru ini. — Gambar Bernama



**PELIHARA EKOSISTEM:** Pokok Meranti Tembaga antara 330 pokok daripada 33 spesies dipterokarpa (pokok balak komersial) ditanam di Taman Dipterokarpa di Stesen Penyelidikan FRIM (SPF) Setiu.

